




Ka're

Leveled



Kuni irkisaanchu maxaafi 'USAID'inni afi'nonni woxu irkonni 'Save the Children'i, Rosu Ministerenna Wodiidi Daga Dagoominna Manni Qoqqowu Mangiste Rosu Biiro mittimmate sumiimmenni qixxaawe attamamino.

2009 M.D



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>



Ka're

Kifile 3

Lamala II





Ilamishsha

Ka're tonnu diri beettooti. Annise su'mi Bakkaalo ikkana amase su'mi Laapheeti. Ka're maatesera bayira beettono ikka hoogguro seennu giddo umite.

Ka're sase kifile rosaancho ikkite rosoho worba beettooti.

Worba calla ikkitukkinni maateserano
ollaahono lawishsha ikkitinote. Ise
qarooyyimmanni rosinokkihu dino.

Ka're worba ikkite maateseranna
qachaho baxantara
dandiitino hu yannase garunni
horoonsidhannohuraati. Konne assitara
dandiitino hu amasera fulteeti.

Meyati jawaatte guma afi'nore assite
diaffanno yinannire diadhitanno.

Mixotenninna daafuro cincatenni
loonsiro dancha guma mixxa
dandiinanni yitannori noose.

Mini Giddo

Ka're soodo gutte ka'uro addi addire
assitanno. Ceatenni goxxinowinni
baqqi yite feyancho biddi assite mine
fiitanno. Hakkiichinni, fiitino ishine
tugge higge waa dirritanno.

Waa dirrite dagguro, shooma rahe
iillishate amasera looso kaa'litanno.
Lawishshaho, giira gamba assanna
affu koottalo xinqisiisse giira iibbisha
loososeeti.

Ganfoonniri iilliro ama intannire raissa
geesha buna gaffanno.



Bununna shoomu mitteenni iillanno
woyite haadhe shiqishshanno.
Ka'aanni shoo'mitanni ka'aanni buna
xorshitanno. Siinna amate ledo
kaa'lame hayishsheenna rosu minira
hadhanno.

Soodota hadhe barra rosu mininni higguro sagalese itte shiima geeshsha fooliishsho assidhanno. Hakkiichinni ama hoqqitannowa marte assitannore la'anno. Hasiisannosere shiqishshanni ledose keeshitanno.

Amase ledo gatinni fulturo nafarinsa xawira fulte jaallase ledo godo'litanno. Godo'litanni yanna guddukkinni rakke higge wayi nookkiro la'e oosote ledo hadhe waa dirritanno. Wayi eelinni fuliro, Ka're noowa oosichu doogote afi gede ikkanni keeshshannokkita ayino afino.

Hakkiinni higge boode yanna
geeshsha techu rossinoha xiinxawa
hanaffanno. Techoha techolla ikkinnina
ga'ara gashshi'ra dibaxxanno.
Borreessidhannori gobbaanni wole
maxaaffano nabbabbanno.

Hawarre leeshshi yaanno woyite
hurbaateho qishshanni noota ama
kaa'litanno. Hurbaatu iilliro anga
hayishshishsheenna mitteenni
hurbaaxxe kairo angate waanna
saamuna shiqishshanno. Amaseranna
anniserano lekka hayishsha baxxanno.



Hurbaatu gedensaanni aye woyiteno
mini loosi nooro loosi'rate higganno.
Mitte xa'mono gatissukkinni xaphi
assite loosse dawarose gara
ikkitinoronna hoogginoro maxaafunni
buuxxanno.

Hakkonne ka'uro ga'a rossannoha
maxaafunni la'e leellisere amaxxite
leellinosekkire rossanno woyite
iillate gashshidhanno. Fushshidhino
pirogiraame garinni assitinota buuxidhe
ka'e goxxanno. Woleno mixi'rate
quqquxu amadannose.


Ka're assitannorira baalaho mixo
fushshidhanno. Barraho fushshidhinoti
loossinoronna hoogginoro buuxidhanno.
Fushshidhino garinni assiteenna
yanna tirfitusero ga'ara halashshite
mixidhanno.

Mixidhe assitineri garunni loosamiro hagiirrise lowoho.

Rosu Mine

Ka're rosu mine marturo kifilete giddo rosiisaanose garunni ha'runsitanno. Kifilete looso uyihiro rakke rakke loose shiqishshe jawaantesenna laanfese baddara hasidhanno. Wolootano jawaatara kakkayissannonsa.

Leellinosekkire xa'mite buuxxukkinni diagurtanno. Wolere assitanni yanna huntara dihasidhanno.



Rakkanno gara la'e wolootu, "Woy ise gedella ikkino!" yite halchitanno.

Ka're fooliishshote yannara shiimicco yanna calla godo'lite addi addire assitanno. Kifilesenna wole kifile seenne gamba assite jawaatanna qarooyye ikkara amaaltanno.

Mixi'nanni garanna mixi'noonnire loosu
aana hosiinsanni doogga xawissanonsa.

Ka're rosu mine nabbawatenna
borreessate kilawera miilate. Kilawete
giddo jawaante afidhinokki rosaano
addi addi hayyonni irkisa baxxanno.
Seenneno ikko labballo worbe guuta
ikka geeshsha nabawisiissanno.

Borreessinanni gara guutisateno
addi addi assoote qixeessite
wo'naalsiissanno. Ise ledo honsohu
woyyaambe leellishanninna lexxanni
ha'ranno. Oosichonsa Ka're ledo hosara
seejji'rannokkinku dino.

Lamalate giddo mitto barra mine
maatese fajjishiishidhe rosu mine
kilawete loosira beeqqo assitanno.
Kilawete massagaano fushshitanno
mixo garinni umoseno kaa'ite
wolootano irkissanno.

Ka're nabbawatenna borreessate kilawe
gobbaanni borreessammetenna diraamu
kilawera lamalatenni mitto barra
beeqqo assitanno. Rosaanote ledo addi
addi godo'le dana ikkino diraamano
loossanni kiirono qixxeessitanno.



Kiirose shiqishanno yannara rosaano
hagiidhite anga gantannose. Kiirotenni
sayissanno sokka hagiirsiissannotenna
ososhshiishshannote. Konni assootisenni
duucha hinge tajete woraqata
ba'raansoonnise.

Wole widoonni, ka're lamalate
giddo mitto barra maxaaffate
mine horoonsidhanno yanna noose.
Nabbabbanno woyite hasiisannosere
baala qaagiishshaho amaxxitanno.

Hala'lado mini looso uyinanninsa yannara
addi addi taje afi'rate maxaaffate
mine e'e babbaxxitino maxaaffa
la'anno. Qoleno, kifilete rossino rosono
kaajjishi'ratenna egenno lexxate roortino
mashalaqqe afidhannohu maxaaffate
mininniiti. Kifilete rossanno maxaaffi
gobbaanni kaa'litannota irkisaano
maxaaffa seekkite horoonsidhanno.

Cufote Ayyaani Barra

Ka'reoo rosi mini roso gude rosu
mine cufi'ranno barri dayi. Rosaante
maate ragu ragunkunni dagge hoowe
wo'mitino. Ka're maatennino annise,
amasenna roduuwise cufote ayyaana
ayirrisate Ka're dukkise hakko leellino.

Rosu mini dancha guma abbitinorira
ba'raarsha aa hanafi. Hedeweelcho
ka're woshshine rosu mine baalanka
roorro guma abbase xawinsi.



Hakko manni baalu hagiidhe, “Meyata rosiisi’ne ada digaabbinni?” yii. Ka’re ama woshshine iserano ba’raarsha uyniseta, “Beetto’ya yannase garunni horoonsidheeti konnira iillitino,” yite farcidhu.

